

IBYITONDERWA

1. *Amatara maremare n'amagufi* ashobora gushyirwa mu kirahuri kimwe kimurika imbere y'imodoka urumuri rwerwa cyangwa ry'umuhondo rudahuma amaso .
2. *Itara ryo guhagarara* rishyirwaho gusa iyo ingufu za moteri zirengeje santimetero kibe 125.
3. *Itara ndanganyuma* rigomba gushyirwa aherekereye inguni y'ibumoso y'ikinyabiziga.
4. *Itara rigufi* rishobora gushyirwa cyangwa kudashyirwa ku binyabiziga bifite moteri y'ingufu zitarenga santimetero kibe 50.
5. *Amatara maremare n'ayo kubisikana* ategetswe gukoreshwa gusa iyo umuvuduko w'ikinyabiziga kidapakiye kandi kigeze ahategamye ushobora kurenga kirometero 20 mu isaha.
- (6) *Ibinyamitende itatu bifite moteri bigomba kugira amatara abiri ndangambere n'amatara abiri ndanganyuma* yerekana ko ibinyabiziga bihagaze n'utagarurara rumuri tubiri inyuma, iyo hakurikijwe ubugari bwacyo, ibitegekwa mu ingingo ya 77-3 bidashobora kubahirizwa hakoreshejwe itara rimwe gusa.
- (7) *Itara ribonesha icyapa kiranga nimeru z'ibinyabiziga* ritegetswe gukoreshwa gusa iyo ikinyabiziga kigomba kugira bene icyo cyapa.
- (8) .1. Za romoruki zigomba na none kugira inyuma amatara yateganyijwe ku binyabiziga bikurura, iyo imbogamizi itewe nazo ituma amatara yazo atabona neza.

a) *Ibinyabiziga ndakumirwa bigomba kugira itara ry'ubururu rimyatsa riboneka mu mpande zose.*

b) *Ibinyabiziga bifite ubugari burenga metero 2 na santimetero 10 bigomba kugira amatara ndanga burumbarare.*

c) Imodoka zose uretse izagenewe gutwara abantu kandi zifite imyanya 8 zicarwamo hatabariwemo intebe y'umuyobozi kimwe na romoruki zikururwa n'izo modoka **bigomba kugira ibyapa bifite imirongo inyuranyemo itukura n'iyera** ku buryo ku mpande zombi zigira inyuguti ya V icuramye nkuko bigaragara ku rugero ruri ku mungereka wa 9 w'iri teka.

Buri cyapa cyujuje ibimenyetso bivuzwe haruguru kigomba mbere yo gutandikwa, kwemerwa na Minisitiri ushinze gutwara abantu n'ibintu no gutumanaho.

2. Uretse amatara n'utagarururumuri mu gika cya mbere k'iyi ngingo ,hashobora gukoreshwa andi matara cyangwa utagarururumuri hakurikijwe izi ngingo :

- a) *Ibinyabiziga bishobora gushyirwaho amatara amurita kure cyane*, amatara kamena-bihu amatara yo gusubira inyuma, n'itara rishakisha rifite ibara ryera cyangwa umuhondo.
- b) *Akagarururumuri gashobora gushyirwa kuri buri tara ndanga.* Akagarururumuri kamwe cyangwa tubiri dushobora gushyirwa ku mpande z'ikinyabiziga cyangwa ku byo cyikoreye.
- c) Ibinyabiziga bikoreshwa butagisi bitegerereza abantu mu nzira nyabagendwa, bishobora gushyirwaho amatara, yerekana icyo bikora, n'imbere itara ry' icyatsi ryerekana ko ikinyabiziga kidakodeshejwe.Imodoka zigishirizwaho nazo zishobora gushyirwaho itara ryerekana ko zikoreshwa.
- d) Ibinyabiziga bigenewe imirimo ifitiye rubanda nyamwinshi akamaro cyangwa za otobisi zishobora gushyirwaho amatara yera agenewe kumuruka ibyanditswe byerekana inzira bikurikira n'aho bijya.Iyo ayo matara ari inyuma y'ikinyabiziga, ntashobora kohereza urumuri inyuma.
- e) Ibinyabiziga bifite ubugari burenga metero 2 na santimetero 10 bishobora gushyirwaho amatara ndanga burumbarare.
- f) Ikiranga imbere y'ikinyabiziga gishobora kongerwaho itara ryera cyangwa ry'umuhondo riri imbere, rireba inyuma kandi rimurika uruhande rw'imbere rw'ikinyabiziga. Iryo tara ntirishobora kubera imbogamizi umuyobozi w'ikinyabiziga riteyeho cyangwa abandi bayobozi.